

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XXV. Aventiure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie die herren alle zen **H**ünen
füoren.

XXV. Auentiure.

Nv lase wir beliben wi si geforen hie.
hochgemote rechen die geforn nie.
so rehte herliche in deheines chveneges lant.
si heten swaz si wolden beidiv waffen vnt gewant.



Der vogt von dem Rine chleidete sine man.
schzech vnt tosent als ich vernomen han.
vnt niuven tosent chnehte gegen der hohgecit.
di si da heime liezen die beweineten sit.

Do troch man diu gereite ee Wormes ueber den hoff.
do sprach da von Spyre ein alter bisshoff.
zo der schönen Uen vnser frivnde wellent varn.
gegen der hohgecite got moez ir ere da bewarn.


Do sprach zo zir chinden diu edel Ue.
ir soldet hie beliben helde gote.
mir ist getroumet hinte von angestlicher not.
wi alles diz gesvegele in disem lande wäre tot.

Swer sich an troume wendet sprach do Hagene.
der en weiz der rechten märe niht ze sagene.
wenn ez im ze eren vollechlichen ste.
ich wil das min herre ze hove nach vrloube ge.

Wir soln gerne riten in Eccln lant.
da mach wol dienen chuenegen goter held hant.
da wir da schovven moezen Eriemhilde hohgecit.
Hagen riet di reise ideoch gerov ez in sit.

Er hetes wider raten want das Gernot.
mit vngesvegen Worten im also missebot.
er mant in Sifrides vrovn Eriemhilden man.
er sprach da von wil Hagene di grozen hove reise lan.

Do sprach von Tronege Hagene durh vorhte ich nine tvo.
swenne ir gebietet helde so solt ir griffen zo.
ia rit ich mit io gerne in Ecclen lant.
sit wart von im verhovven vil manich helm vnde rant.



Die schiff bereitet waren da was vil manech man.
swaz si chleider heten die troch man dar an.
si waren vmmwezech vor abendens zit.
si hooben sich von huse vil harte vroliche sit.

Gezelt unde hvetten spien man an das gras.
anderthalf des Rines do das geschehen was.
der kvenech bat noch beliben das sin vil schone wip.
si trvete noch des nahtes den sinen wätlichen lip.


Posonen flontieren hup sich des morgens fro.
dar si varn solden da bereiten si sich zo.
swer liep heten arme der trvete friondes lip.
des schet sit vil mit leide des konech Ecelen wip.

Die chint der schönen Vten di heten einen man.
chvone vnt getrivve do si wolden dan.
do sagt er dem kvenege tougen sinen mot.
er sprach des mves ich troren das ir di hove reise tot.

Er was geheizen Romolt vnt was ein helt eer hant.
er sprach wem welt ir lazzen liote vnt ovch die lant.
das niemen chan erwenden ir recken iovern mot.
die Eriemhilden märe nie gedohten mich got.

Das lant si dir bevolhen vnt min kindelin.
vnt diene wol den vrovven das ist der wille min.
swen du sehest weinen dem tröste sinen lip.
iane getot vns nimmer des kvenech Eceln wip.

Die ross bereitet waren den kvenegen vnt ir man.
mit minnechlichem chvessen schiet vil maniger dan.
dem in hohem mote lepte da der lip.
das mvese sit beweinen manich wätliches wip.



Do man di snellen recken en rossen sah gan.
do chos man vil der vrowen trurechlichen stan.
daz ir vil langes scheiden sagt in vil wol ir wot.
vf grozen schaden ee chomene daz herce niemen sanste tot.

Di snellen Obergonden sich v; hvooben.
do wart in dem lande ein michel voben.
beidenthalp der berge weinte wip vnt man.
swi dort ir volch getate si foren vroeliche dan.


Di Nibelunges helde chomen mit in dan.
in tosent halpbergen ee hos si heten lan.
vil manige schone vrowen di gesahen si nimmer me.
di Sifrides vonden taten Criemhilde we.

Do schicheten si ir reise gegen dem Meovne dan.
vf durch Ostervranchen di Ewentheres man.
dar leite si do Hagene dem was ez wol bechant.
ir marschalk was Danchwart der helt von Obergonden lant.

Do si von Ostervranchen gegen Salvelde ritten.
do mohte man si chiesen an herlichen siten.
di foersten vnt ir mage di helde lobesam.
an dem zwelften morgen der koenich an di Conouwe quam.

Do reit von Tronege Hagen zaller vorderost.
er was den Nibelungen ein helflicher trost.
do der beizte der deggen chvone nider vf den sant.
sin ross er harte balde zw zeinem boome gebant.

Daz wazer was engozen diu sciff verborgen.
ez ergie den Nibelungen ze grozen sorgen.
wi si chomen vebere der wach was in ze breit.
do erbeizte zw der erden vil manich ritter gemeit.



Leide sprach do Hagene mach dir wol hi geschehen.
voget von dem Rine nu maht do selbe sehen.
daz wazer ist engozen vil starch ist im sin swot.
ia wāne wir verliesen noch hiove hie manigen helt got.

Was wizet ir mir Hagene sprach der koenech her.
durch iover selbes togende vntrostet vns niht mer.
den fort solt ir vns suchen hin veber an daz lant.
daz wir von hinnen bringen beidiv roff vnd ovch gewant.


Ian ist mir sprach Hagene min leben niht so leit.
daz ich mich welle er trenchen in disen venden breit.
e' sol von minen handen ersterben manich man.
in Eeeln landen des wil ich goten willen han.

Gelibet bi dem wazer ir stolzen ritter got.
ich wil di vergen suchen selbe bi der swot.
di vns bringen vebere in Selsrates lant.
do nam der starche Hagene sinen goten schildes rant.

Er was vil wol gewaffent den schilt er dannen troch.
sinen helm vsgewunden licht was er genoch.
do trog er ob der broenne ein waffen also breit.
daz ee beden eken harte vreislichen sneit.

Do soecht er nah den vergen wider vnd dan.
er horte wazer giesen losen er began.
in einem schönem brunnen daz taten wisiv wip.
di wolden sih da chvelen vnd badeten ir lip.

Hagen wart ir innen er fleich in tovgen nach.
do si daz versonnen do wart in dannen gach.
daz si im entvnnen des waren si vil her.
er nam in ir gewäte der helt en schadete in niht mer.



Do sprach das eine merewib Hadeborch was si genant.
edel ritter Hagene wir ton in hie bechant.
swenne ir vns degen chvone gebet wider vnser wat.
wi in ze den Hivnen disiu hove reise ergat.

Si swecten sam di voege vor in of der slot.
des dohten in ir sinne storch vnd got.
swaz si im sagen wolden er gelobtes deste baz.
des er do hin; in gerte vil wol bescheideten si im das.

Si sprach ir muogt wol riten in Eecln lant.
des setze ich in ee bvergen mine trivve hi ee hant.
das helde nie gesvoren in deheimiv riche baz.
nach also grozen eren no gelobet wärliche das.

Der rede was do Hagene in sinem hercen her.
do gap er in ir chleider vnt somte sich niht mer.
do si do angeliten ir wonderlich gewant.
do sagten si im rehte di reise in Eeclen lant.

Do sprach das ander merewip diu hies Sigelint.
ich wil dich warnen Hagen das Aldrianes chint.
durch der wäte liebe hat min muome dir gelogen.
chvemestv hincen Hivnen so bistv sere betrogen.

Ja sol tv cheren widere das ist dir an der zit.
wand ir helde chvone also geladet sit.
das ir sterben muozet in Eecln lant.
swelhe dar geritent di habent den tot an der hant.

Do sprach aber Hagene ir trieget ane not.
wie möhtes sich gesvogen das wir alle tot.
solden da beliben durch iemens haz.
si begonden im diu märe sagen chventlicher baz.



Do sprach aber die eine es mu; also wesen.
das iwer deheiner chan da niht genesen.
niwan des chveneges kappelan das ist vns wol bechant.
der chvemet gesunt widere in das Gventheres lant.

Do sprach in grimmem mvote der choene Hagene.
das wäre minen herren mvelich ee sagene.
das wir alle cen hynnen solden verliesen den lip.
noch zeige vns vberz wazer das aller wifeste wip.


Si sprach sit du der verte niht welles haben rat.
swa obene bi dem wazer ein herberge stat.
da inne ist ein verge vnd niender ander swa.
der märe der er vragte der gelovbet er sich da.

Dem vngemveten rechen sprach die eine nach.
nu bitet noch her Hagene ia ist iw gar ze gach.
ver nemet noch die märe wir chvemet veber lant.
dirre marcherre der ist Else genant.

Sin brooder ist geheizen der degen Gelpfrat.
ein herre in Oeyer lande wi mvelich es iw stat.
welt ir durch sine marche ir solt iw wol bewarn.
vnd solt ovch mit dem vergen vil bescheidenliche varn.

Der ist so grimmes mvotes er lat iwch niht genesen.
iren welt bi dem helde mit gvoten sinnen wesen.
welt ir das er iwch svere so gebet im den solt.
er hvetet diffes landes vnt ist Gelpfrade holt.

Vnde chvom er niht bezite so rufet veber slot.
vnd icht ir heizet Amelrich der was ein helt got.
der durch fienteschepfte rvomte disse lant.
so chvmt iw der verge swenne im der nam wirt genant.



Der uebermote Hageno der vrowen do reich.
ern redete niht mere wan daz er vaste sweich.
do gie er bi dem wazer fuer sich an den sant.
da er anderthalben ein herberge vant.

Er begonde vaste ruoffen hin ueber den slot.
no hol mich hi verge sprach der degene got.
so gip ich dir ce miete einen bouch von golde rot.
ia ist mir dirre verte daz wizest wärliche not.


Der verge was so riche daz im niht dienen zam.
da von er lon vil selten von iemen da genam.
ouch waren sine chnechte vil harte hohgenot.
noh stont alle; Hageno eine disehalp der slot.

Do roffte er mit chreffte daz al der wag er doz.
wan des heldes sterche was michel vnd groz.
no hol mich Amelrichen ich pin der Elsu man.
der durch starche sintschafft disem lande entran.

Vil hohe an dem swerte einen bouch er im bot.
licht vnd schöne was er von golde rot.
daz man in ueber furte in Gelpfrades lant.
der uebermote verge nam selb daz roder an die hant.

Ouch was der selbe verge niwlich gehit.
diu gof nach grozem gute vil böse ende git.
do wold er ver dienen daz Hagenen gold so rot.
des leid er von dem degene den swert grimmigen tot.

Der verge ilte genote hin ober an den sant.
den er dannen horte do er des niht envant.
do zwrnte er ernstlichen als er Hagenen sach.
vil harte grimmechlich er zo dem degene sprach.



Ir moget wol sin geheizen benamen Amelrich.
des ich mich hie ver wäne dem sit ir ungelich.
Von vater vnd von muter was er der bruder mit.
no ir mich betrogen habt ir mozet dischalp sin.

nein durch got den richen sprach do Hagene.
ich bin ein recke vrende vnt forge vff degene.
No nemet hin vrvntliche hiote minen solt.
daz ir mich ober foret ich bin in wärlichen holt.

do sprach abe der verge des mach niht gesin.
ez habent fiande di lieben herren min.
Darumbe ich niemen vrenden svere in diz lant.
so liebe dir si ce lebene so trit vil balde v; an den sant.

nune totes niht sprach Hagene wan treurech ist min mot.
nemet von mir ce minne diz golt vil got.
vnt foret vns veber tosent ross vnt also manigen man.
do sprach der grimme verge ez wirdet nimmer getan.

Er hob ein starches voder michel vnd breit.
er sloch of Hagenen des wart er vngemeit.
daz er in dem schiffe strochte an siniv chnie.
so rechte grimmer verge der chom dem Troneger nie.

Do wolde er baz erzornen den obermoten gast.
er sloch im einen schallen daz diu gar cer brast.
Hagen ober daz houbet er was ein starcher man.
da von der Elfen verge grozen schaden da gewan.

Mit grimmegem mote greif Hagen ze hant.
vil balde ze siner scheiden da er ein waffen fand.
er sloch im ab daz houbet vnd warf ez an den gront.
diu märe werden schiere den stolzen Gorgonden chont.



In den selben stunden do er den schifman sloch,
das schiff das vloz en ovve das was im leit genoch,
e' erz gerichte widere moeden er began.
do zoh vil crestliche dez chvonech Ewentheres man.

Mit zween harte swinden chert ez der gast,
vuz im das starche roder in der hende brast,
er wolde zu den recken vuz an einen sant,
da was deheines mere hen wi schier erz da gebant.


Mit einem schilt vezel das was ein porte smal,
gegen einem walde chert er hinze tal,
do vant er sinen herren an dem stade stan,
do gie im hin engegen vil manich wätlicher man.

Mit grooze in wol enpfiegen di snellen ritter got,
do sahens in dem schiffe riechen das blot,
von einer starchen vunden die er dem vergen sloch,
do wart von den degenen gevraget hagen genoch.

Do der kvenich Ewenther das heize blot er sach,
sweben in dem schiffe wi balde er do sprach,
wan sagt ir mir hagen war ist der verge chomen,
iwer starches ellen ich wän im das leben hat benomen.

Do sprach er lovgenliche da ich das schif da vant,
bi den wilden widen da lost ez min hant,
ich han deheinen vergen hiove hie gesehen,
ez ist ovch niemen leide von minen scholden hi gesehen.

Do sprach von Borgonden der herre Gernot,
hiove muz ich sorgen vof lieber frivnde tot,
sit wir der schiffliote bereite nine han,
wi wir chomen veber des muz ich trorende stan.



Vil lote rief do Hagen leit nider vß daz gras.
ir chnehte diu gereite ich gedenche daz ich was.
der aller beste verge den man bi dem Rine vant.
ia getrove ich ioch wol bringen hin veber in Gelysrades lant.

Daz si deſter balder chömen veber ſlot.
diu roß ſi anſlogen daz ſwimmen daz wart got.
wand in diu ſtarch vende deheinez da benam.
etelichez ovvete verre als ez worden began.

Do trogen ſi cem ſcheffe ir golt vnd ovh ir wat.
ſit daz ſi der verte niht mohten haben rat.
Hagen was da meiſter des fort er vff den ſant.
vil manigen richen recken in daz vñchonde lant.

Zem erſten braht er veber toſent ritter her.
dar nach ſine recken dan noch was ir mer.
niwtoſent knechte fort er an daz lant.
deß tages was vñnwuezeh des Tronegeres hant.

Do er ſi wol gefunde brahte veber den ſlot.
do gedahte vrennder märe der ſnelle degen got.
diu im e' da ſageten diu wilden merwip.
deß het des choneges kapelan nach ver lorn ſinen lip.

Si dem kappelsawme er den pſaffen vant.
ob dem heilehtome er leinte an ſiner hant.
des moht er niht genizen do in Hagen ſach.
der gotes arme prieſter wuofe liden vngemach.

Er ſwang in v; dem ſhiffe dar zu wart im gach.
do rieffen ir genoge nu vaha herre vach.
Eiſelher der ionge zernnen erz began.
ern wolt iz doh niht lazen ir deheinen vnderſtan.



Do sprach von Borgonden der herre Gernot.
was hilffet ioh nu Hagene des kappelanes tot.
tät ez ander iemen das sold iw wesen leit.
umbe welhe scholde habt ir dem priester wider seit.

Der pfaffe swam genote er wolde sin genesen.
ob im iemen hvelse des mohte da niht wesen.
wan der starche Hagene vil zornech was gemot.
er stiez in zu dem grunde das duhte niemene got.


Do der arme pfaffe der helpe nine sach.
do chert er wider uebere des leid er vngemach.
sui er niht swimmen chvnde im half diu gotes hant.
das er wol chom gesvnder hin wider v; an das lant.

Do stunt der arme priester vnde schotte sine wat.
da bi sach wol Hagen das sin niht wäre rat.
das im fver war sageten diu wilden merewip.
er dahte dise degene muosen verliesen den lip.

Do si das schif entluden vnd gar getrogen dan.
swas dar vf heten der drier chvnege man.
Hagen sloch ez ee stuchen vnd warf ez an den flot.
des het michel wonder di recken chvnege vnde got.

Zwiu tot ir das broder so sprach Danchwart.
wi sol wir ueber so wir di wider vart.
riten von den Hivnen ze lande an den Rin.
sit do sagete in Hagene das des chvnde niht gesin.

Do sprach der held von Tronege ich ton iz vf den wan.
ob wir an dirre reise deheinen zagen han.
der vns entrinnen welle durch zägeliche not.
der mu; an disem wäge doch liden schameliche tot.



Si forten mit in einen v3 Borgonden lant.
einen helt ze sinen handen der was Volker genant.
der redete späheliche allen sinen mot.
swaz ie begie der Hagene daz duht den videläre got.

Ir ross bereitet waren di sovmer wol geladen.
si heten an der verte noch deheinen schaden.
genommen der si muete wan des chuneges chappelan.
der muose vffe sinen svetzen hin wider zo dem Rine gan.

